



Broj: 04-11-3-9755-1/2023

Hadžići, 09.10.2023. godine

Na osnovu člana 5. Pravilnika o utvrđivanju uslova, kriterija i postupaka za ostvarivanje prava za podsticaj junica iz vlastitog uzgoja, te u cilju osnaživanja poljoprivrednika sa područja Općine Hadžići, broj: 04-11-3-9755/2023 od 06.10.2023. godine Općina Hadžići raspisuje:

**JAVNI POZIV  
za podnošenje zahtjeva za podsticaj junica iz vlastitog uzgoja**

Općina Hadžići raspisuje Javni poziv za podnošenje zahtjeva za ostvarivanje prava za podsticaj junica iz vlastitog uzgoja u cilju osnaživanja poljoprivrednika sa područja Općine Hadžići.

**I PRAVO UČEŠĆA**

Pravo na učešće po ovom Javnom pozivu imaju fizička lica koja imaju prebivalište na području općine Hadžići, posjeduju poljoprivredno zemljište u površini od 5 dulumu ili zemljište uzeto u zakup najmanje na 5 godina i adekvatan štalski objekat lociran u blizini stambenog objekta u kojem isti stanuje i ispunjava uslove propisane Pravilnikom i ovim Javnim pozivom, a posebno prioritetne kategorije stanovništva - nezaposlene osobe.

Pravo na dodjelu junica nemaju lica koja su dobila donaciju junice od Općine, nadležnih ministarstava, humanitarnih i drugih organizacija u zadnje tri godine. Pravo učešća nemaju članovi porodice (po pravoj liniji) zaposlenika Općine Hadžići. Jedan aplikant može aplicirati za podsticaj do maksimalno tri junice iz vlastitog uzgoja.

**II USLOVI**

Podnositelj zahtjeva treba da ispunjava sljedeće opće i posebne uslove:

**OPĆI USLOVI:**

- Da ima mjesto prebivališta na području općine Hadžići;
- Da je nosilac ili član poljoprivrednog gazdinstva upisan u Registar poljoprivrednih gazdinstava i Registar klijenata FBiH;
- Da posjeduje vlastito poljoprivredno zemljište ili zemljište uzeto u zakup u površini od minimalno 5 (pet) dunuma;
- Da posjeduje vlastiti štalski objekat adekvatan za smještaj grla ili uzet u zakup u mjestu prebivališta i/ili u neposrednoj blizini mjesta stanovanja.

**POSEBNI USLOVI:**

- Rasplodna junica potiče iz vlastitog uzgoja o čemu svjedoči pasoš junice;
- Uvjerenje o utvrđenoj gravidnosti od minimalno 3 mjeseca;
- Životinja mora biti propisno označena u skladu sa Pravilnikom o obilježavanju goveda (dokaz je pasoš životinje);
- Potvrda o provedenim naređenim mjerama na imanju za tekuću godinu;
- Da podnositelj zahtjeva izjavi da će životinja biti na pripadajućem imanju minimalno dvije godine poslije teljenja;
- broj članova zajedničkog domaćinstva;
- štalski objekat (zoohigijenski i zootehnički uslovi u štali, brojčano stanje);
- socijalni aspekt (stanje na terenu, imovno stanje, opći dojam i sl.).

Napomena: Podsticaj se može ostvariti i za junice koje su oteljene u toku 2023. godine (dokaz – Potvrda o osjemenjivanju).

### **III KRITERIJI ZA DODJELU PODSTICAJA**

1. broj članova zajedničkog domaćinstva;
2. pogodnost smještajnog kapaciteta štalskog objekta;
3. socijalni aspekt – stanje na terenu i opći dojam.

Ako komisija na terenu ustanovi da aplikant ne posjeduje štalski objekat ili da je štalski objekat neuslovan za držanje stoke, aplikant će biti diskvalifikovan iz dalje procedure odabira.

### **IV POTREBNA DOKUMENTACIJA**

Podnosioci zahtjeva trebaju priložiti sljedeću dokumentaciju, redoslijedom kako je navedeno:

1. **Obrazac za prijavu na Javni poziv za podsticaj junica iz vlastitog uzgoja (info pult ili web stranica Općine Hadžići);**
2. **Dokaz o mjestu prebivališta podnosioca zahtjeva (CIPS-ova prijava ne starija od tri mjeseca);**
3. **Ovjerena kućna lista (šalter sala Općine Hadžići);**
4. **Potvrda u upisu u registar poljoprivrednih gazdinstava (RPG) i Registar klijenata (RK);**
5. **Vlasništvo nad parcelom (kopija ZK izvatka) ili ovjeren Ugovor o zakupu poljoprivrednog zemljišta sa kopijom ZK izvatka, u površini od minimalno 5 (pet) dunuma (kopija ZK izvatka ne može biti starija od šest mjeseci);**
6. **Ovjerena izjava da posjeduje štalski objekat u svom vlasništvu ili uzet pod zakup u mjestu prebivališta i/ili u neposrednoj blizini mjesta stanovanja, te da će korisnik podsticaja zadržati životinju na pripadajućem imanju minimalno dvije godine poslije teljenja;**
7. **Pasoš junice;**
8. **Uvjerenje o utvrđenoj gravidnosti od minimalno 3 mjeseca;**
9. **Potvrda o osjemenjivanju (za junice koje su oteljene u toku 2023. godine);**
10. **Potvrda o provedenim naređenim mjerama na imanju za tekuću godinu.**

**Aplikacija podnosioca zahtjeva koji predla nepotpunu dokumentaciju će se odbaciti.**

### **V PROCEDURA ODABIRA KORISNIKA**

Proceduru vrednovanja i utvrđivanja rang liste, izvršiti će Komisija na osnovu Pravilnika o utvrđivanju uslova, kriterija i postupaka za ostvarivanje prava za podsticaj junica iz vlastitog uzgoja, koju imenuje Općinski načelnik.

#### **NAPOMENA:**

**Obrazac zahtjeva i izjave** se mogu preuzeti na web stranici Općine Hadžići ili na info-pultu Općine Hadžići i **zajedno sa dokumentacijom predati u zatvorenoj koverti na protokol Općine Hadžići sa naznakom „Za javni poziv za podsticaj junica iz vlastitog uzgoja“.**

Sve dodatne informacije mogu se dobiti u Službi za privredu, finansije i inspekcijski nadzor općine Hadžići II sprat soba broj 204 ili na broj telefona 033/475-948 svakim radnim danom od 08:00-16:00 sati.

Iznos sredstava za podsticaj će se utvrditi u skladu sa raspoloživim budžetskim sredstvima i u zavisnosti od broja potpunih aplikacija.

Nepotpune prijave se neće uzeti u razmatranje.

**Javni poziv ostaje otvoren do 22.12.2023. godine do 16,00 sati.**

Dostavljeno:

1. Kabinet načelnika - web stranica: [www.hadzici.ba](http://www.hadzici.ba),
2. Oglasna ploča Općine Hadžići;
3. Arhiva.

